

婦人手上飾物除手鐲外戒指亦重以金銀爲之今日時髦之男女尤以此爲無上之粧飾品

按戒指一物其來已久五經要義云古者后妃群妾近御於君所當御者以銀環進之娠則以金環退之進者著右手退者著左手今之指環是也又相傳古者婦人月經與娠則著環否則去之今人常著戒指既昧戒指之義而男子亦戴之尤無謂也

### 送牌傘

清季縣令卸事無論賢否吮癰舐痔之流必送牌傘以頌功德即紳士不送官吏亦多諷吏役歛金爲之當送之時極力點綴前導以儀仗後贅以音樂鑼鼓喧天紅緞其牌傘泥金

其文字藍輿筍輿十數魚貫而送入衣冠濟濟亦云盛矣

按嚴正之吏時有禁送牌傘之舉然不多見也

### 酒席

邑人遇有喜事通常酒席向僅十大碗而已後漸改爲兩海碗八大碗盛設者或四海碗六大碗兼雜以中碗及果碟等然未有如今日之奢侈者用燕翅席燒烤席所在多有一席費十餘金至數十金以上

按習俗日奢此亦一端果腹幾何徒耗資財與殘殺生命耳

### 祝壽

吾邑人每遇生日輒好酣飲娛樂紳富之家尤甚年在五十

以上者且喜倩人爲女以祝之盛筵宴客張樂以爲樂

按梁元帝當載誕之辰輒齋素講經唐太宗謂長孫無忌曰是朕生日世俗皆爲歡樂在朕反爲感傷今君臨天下富有四海而欲承歡膝下永不可得此子路有負米之恨也詩云哀哀父母生我劬勞奈何以劬勞之日更爲宴樂乎泣數行下羣臣皆流涕則前此專制時代之人主且未以生日爲重今則相率慶賀已成習俗觀此當可廢然返矣

### 送燈

邑人有所謂送燈者此事亦出親友之所爲蓋席豐履厚之家成婚多年而無所育者親友知其望子心切咸樂送之其

手續先製紙燈一孩兒一由送者先期擇一吉日備柬通知受者之家臨時約集多人陳設儀仗鑼鼓喧騰樂聲大作將所製紙燈及孩兒同時送往受者則迓於門外以燈懸於堂孩兒則有花公花婆二人安於望子者牀中另請夫婦齊全之人向燈膜拜並以酒筵款待送者酬答盛意

### 算命

邑人喜談算命凡誕育男女必向習星命者推算八字前清科舉時排長庚之風尤盛則業醫者亦雜以五行之說

按星命之學始李虛中命書三卷則託始於鬼谷子而虛中爲之註又王充論衡已著人生時值星貴賤之說隨書經籍志有雜元辰命祿二卷則其事已久不始於

虛中矣然術數之學多附會陰陽五行以爲之說大抵視生尅以爲吉凶古人格致未明宜有此說近日科學昌明識者已知其說之無稽矣蓋古代以五行括天下之物自化學家發明八十四原質後而五行之說破且土言生金而土亦生木木言生火而水分淡養二氣亦能生火古之鑽燧則金亦生火今之火石則土亦生火且地球噴火之山不一而足又誰實生之誰實滅之耶至若金言尅木火亦能尅木以其能燒之至盡也

# 珠官脞錄卷七

許瑞棠輯著

## 玳瑁

玳瑁產廉州一作瑤瑁龜夜伏沙汀注目上視與月爭光月之精華因入焉而爲文介漁人捕得之覆其背卽不能去比曉其介文采益鮮明因阨於沙而磨瑩焉自脊兩分得十四版以厚而黃多有物形者爲貴區懷瑞賦云其物也非龜非鼉非蜴非鼃鼃皮鸚喙六甲千葩紺采斑駁若雲若霞又云是爲瑤瑁穴於丹水遊於桂海餌於珠苗吸於瓊溼旣異蟻螭又非著蔡珍隄百朋章含九貝 茹五英以爲腹背映日凝丹流文菱葑繡錯金相飛潛諸怪變幻出沒螭鏤鬼繪血

禦鳩毒甲搖蠱熬島之諸 是帶是佩螭螭山巨龜也巧匠  
以其甲黃明無日脚者煮而拍之陷黑玳瑁狀甚明媚日脚  
謂甲上有散黑暈也一種赤鮫與相似然介脆薄文采亦晦

廣東  
新語

### 虎

廉郡多虎商旅遇之輒詬罵以奪虎氣斥之爲大蟲凡風主  
蟲蟲風族虎乃風族之大者故虎之來必有風其聲颼疾山  
行者聞風聲有異則知有虎常有人入山燔木一虎來直豎  
其尾大哮吼風起火即盡滅久之虎去風颼颼猶在樹間蓋  
虎在地上行甚緩遇林木則其行如風竟若風行非虎行故  
曰風從虎虎得風其威乃生風者虎之羽翼也

廣東  
新語

# 象

象性最靈余少時從槐庭兄宦合浦其地有象非其土產乃從安南來者能過海於水底行捕魚食之欲換氣則浮以鼻向天若植桅然良久復沒偶一歲颶風大羣作象不能呼吸皆死數日浮薄岸牙骨悉爲珠池太監所得其候以秋七八月至食人禾稻村民悉起持兵器擊鑼鼓罵之象佇聽良久轉羣奔去至他所亦然或設陷坑每歲亦得二三隻嘗聞外夷云取之法若欲活者則家畜象囹使就野象水草久之情熟則誘一二野象離其羣俟稍遠衆囹各以鼻纏其足拖歸其家預掘坑以待之象囹置野象於坑中饑之三四日乃爲假人以篙懸而下騎之象見假人大躍地爲之震復引假人



而上每日如是數次俟稍馴投之草料久之象奴下騎之月  
 餘益馴與家象同方砍地出之象牙自脫者色死黯生牙自  
 有肉紅色可辨如欲取象牙亦使象囹誘野羣象人夾山中  
 度度行遠象囹急奔出則衆人悉力置竹槍埋鹿角掘坑塹  
 外圍既固其中水草盡則羣象死無論多寡皆得其牙其牝  
 牡相交在水旁泥淖中取樹葉藉之如人類若見人則羞起  
 而逐之人須環嶺而走乃得逸若直走即為所得得人則蹴  
 踏之至死以鼻嗅之稍有氣仍復蹴踏至糜爛乃已

月山  
叢曠

鮫魚

鮫魚出合浦長三丈背上有甲珠文堅強尾長三四尺皮可

鑪物交州記

案博物志曰鮫鰭魚既生子子還入母腹尋復出任昉  
述異記曰虎魚老則爲鮫據此則鰭魚虎鰭鮫魚爲一  
物矣

### 爆牛

爆牛卽犂牛郭璞爾雅注犂牛領上肉爆起高二尺許狀如  
橐駝肉鞍健行者日三百里今合浦出此牛

廣東古  
輯要

### 番鳩

番鳩生海邊土穴中里民常以臘月正月捕食味如蟹過十  
餘日不可食合浦有之

南方草  
木狀

### 蚺蛇

廉諸郡大蚺蛇食人鹿牛皆通體吞之不咀嚼塞於膈臆卽